

貴州教育官報

NO. 6

宣統三年七月出版

貴州教育官報

辛亥年第六期

辛亥年第六期貴州教育官報目錄

諭旨

自宣統三年五月初四日至六月初一日 上諭共四道

奏議

憲政編查館會奏攷核各省州縣事實分別勸懲摺

憲政編查館奏嗣後攷核府廳州縣事實另由各衙門辦理片

資政院會奏議決試辦宣統三年歲入歲出總預算案請 旨裁奪摺

資政院會奏議決京外各官公費標準片

學部奏改訂簡易識字學塾章程摺

學部奏遴派貴州學務公所議長摺

文牘

學部節飭准廣西提學使呈明諮議局整頓全省教育議案仰即查照文

撫院札准 學部咨簡易識字學塾畢業憑單條例仰即通行各屬一體遵照

辦理文

撫院札准 學部咨所有第二次教育統計表亦經辦理完竣仰即查照俟圖表到日即行分發各屬文

撫院札准 郵傳部咨上海高等實業學堂收攷各省官費生簡章行司查照辦理文

撫院札准 內閣會議政務處咨會同資政院具奏議決黔省國家歲出豫算表行司分別摘錄轉行遵照文

撫院札攷試正佐各員等第名次行司分別令入法政學堂肄習文

撫院札新到省人員及此次攷列三四等各官應令入法政學堂肄習行司遵

照辦理文

藩司移奉 撫院札准憲政編查館咨會奏攷核各省州縣事實分別勸懲一

摺又附奏嗣後考核府廳州縣事實另由各衙門辦理一片請查照文

本司詳 撫院申明各屬設立簡易識字學塾情形列表呈核文

本司詳 撫院據遵義府稟請給獎三年師範簡易科畢業生文

本司通飭各屬遵照 撫院札准學部咨前頒布畢業文憑係專指各學堂本

科畢業而言其各補習公共預科等應量爲變通文

本司通飭各屬本年閏月職教各員薪水分別核定辦理文

本司批牘選登

規制

清華學堂章程

圖表

遵義府屬初級師範學堂學生畢業姓名分數表

修文縣私立廣智高等小學堂學生畢業姓名分數表

報告

查視思南府學務情形報告

查視平越直隸州學務情形報告

查視石阡府學務情形報告

論說

衛生新法撮要

學術

詳察兒童在家庭之生活狀態

雜錄

中國當采之教育方針

貴州學務  
公所印行

諭旨

監國攝政王鈐章

宣統三年五月初四日欽奉

諭旨學部會奏設立中央教育會擬具章程繕單呈覽一摺又片奏會員所需旅費川資分別酌給等語均著依議欽此

奕劻那桐徐世昌唐景崇署名

監國攝政王鈐章

宣統三年五月十九日欽奉

諭旨御史孫培元片奏請將高等學堂畢業得獎內閣中書中書科中書等員有願改就小京官者一律准其呈改等語著該部議奏欽此

奕劻<sub>假</sub>那桐徐世昌署名

監國攝政王鈐章

宣統三年五月二十日欽奉

諭旨資政院奏續辦速記學堂並將原定章程酌量修改繕單呈覽一摺著依議欽

此



奕劻那桐徐世昌署名

監國攝政王鈐章

宣統三年六月初一日欽奉

諭旨資政院院章前於光緒三十四年由資政院總裁會同軍機大臣具奏復於宣統元年經資政院會奏續擬院章並將前奏各章改定頒布施行現在已閱兩年時勢又有不同核與新頒法令未盡脗合亟應將資政院院章修改以免窒礙而利推行著資政院總裁副總裁會同內閣總協理大臣悉心斟酌妥速改訂具奏候朕欽定頒行欽此

奕劻那桐徐世昌署名

奏議

憲政編查館會奏攷核各省州縣事實分別勸懲摺

奏爲會核各省州縣事實分別勸懲繕具清單請

旨遵行恭摺仰祈

聖鑒

事竊照各省州縣事實表冊向由憲政編查館會同民政部攷核具奏請旨勸懲業於上年將攷核三十三年各省州縣事實緣由奏奉諭旨責令各督撫認

真辦理嚴定等第等因欽遵在案茲屆應行攷核光緒三十四年各省州縣事實之期除奉天黑龍江廣西三省咨請展緩舉辦外現據直隸熱河吉林江蘇安徽江西浙江山東山西河南陝西甘肅新疆福建湖南湖北四川廣東雲南貴州等省先後將表冊分咨前來臣等伏查奏定辦法內稱凡州縣列入最優等者令各該督撫加具切實考語送部引見列入優等連任各州縣倘於各項新政實有擴充始終

不懈者准予升列最優等頻年屢任皆列次等實缺者停升候補者扣補各等語臣等現就各省送到事實清冊督同館員逐一詳核嚴加比較凡於各項新政未能認

真興辦自不得予以寬容即使按之表冊實係應有盡有而開辦年月倘在該牧令到任之前仍不得作爲成績間有巡警多至二三千名實以舊日團丁練勇充數者又有一邑之大而詞訟少至六七起者又有命盜兩項收案起數與結案起數不符顯屬任意填報不足爲憑臣館均已分別降等雖照章應分最優等優等平等次等四級本屆因各州縣於所辦新政多未能實力推行臣等謹本需缺勿濫之義於最優等一級概未予列惟分優等平等次等三項以示勸懲其有前上兩屆均列優等本屆仍列優等而各項新政實有擴充洵屬始終不懈者仍應升入最優等藉資獎勵至兩屆均列次等各員並應照章分別停升扣補庶考核不至具文而庸材藉以自愧總之整飭吏治不外乎激濁揚清而考察屬僚尤在於循名責實各省造送清冊如果事事詳切查報卽此分年分等辦法已足以旌別賢否而造就人才第所開事實詳備者固所時有敷衍者仍復甚多積久相沿必致有以空文表冊倖邀

曠典者而一二悃悃無華盡心民事之吏轉恐因之而生懈於政治前途實大有妨

礙是在各該督撫隨時認真整飭之耳所有攷核光緒三十四年各省州縣事實分別勸懲各緣由是否有當理合繕具清單恭摺會陳伏乞 皇上聖鑒訓示再此

摺係憲政編查館主稿會同民政部辦理合併陳明謹 奏宣統二年十二月二十

六日奉 旨已錄

憲政編查館奏嗣後攷核府廳州縣事實另由各衙門辦理片

再各省府廳州縣事實向歸臣館臣部會同切實考核分別等第奏明請 旨勸

懲原以新政日興誠恐各該地方官奉行不力必須有法定機關爲之循名而責實

方足以促進行是以前奏章程分別學堂巡警工藝種植命盜詞訟監押錢漕等項

以爲殿最原係因時制宜之計現在司法既已獨立而提學使及巡警勸業兩道又

復各設專官將來府廳州縣官制尙須改訂職掌必有變更若仍照從前奏定章程

責令奏效推行恐未能適合擬請自本屆攷核竣事後即行停止由各該主管衙門

另訂攷核章程會同督撫督飭司道認真辦理如蒙 俞允即由臣館欽遵分別

行知所有請停收核府廳州縣事實另由各衙門辦理緣由謹附片具陳伏乞

聖鑒訓示謹 奏宣統二年十二月二十六日奉 旨已錄

資政院會奏議決試辦宣統三年歲入歲出總預算案請 旨裁奪摺

奏為議決試辦宣統三年歲入歲出總預算案遵章會奏請 旨裁奪恭摺仰祈

聖鑒事竊查資政院院章第十四條內載資政院應行議決事件一國家歲出

入預算事件又第十五條內載前條所列第一至第四各款議案應由軍機大臣或

各部行政大臣先期擬定具奏請 旨於開會時交議又第十六條內載資政院

於第十四條所列事件議決後由總裁副總裁分別會同軍機大臣或各部行政大

臣具奏請 旨裁奪各等語試辦宣統三年歲入歲出總預算案係由度支部擬

定於本年八月二十七日具奏請 飭內閣會議政務處會同集議復於九月二

十日由內閣會議政務處具奏請 旨交資政院照章辦理並將原奏覆奏各一

件原送總表四十冊分表八十一冊法部修正表一冊陸軍部咨文清單一件咨送

到資政院當經照章先交預算股股員會審查審查期內次第收到各衙門追加預算二十三册一併送付該股旋據該股員會審查完竣具書報告稱本股於九月三十日開始審查悉意鉤稽斷夕從事查此次預算本係遵照籌備清單試辦各省預算故內閣會議政務處奏交原案一省爲一統系而本院分股細則又係以事分科是預算之組織與分科之方法不免衝突欲由分離之預算求爲統系之預算洵屬非常困難加以辦理豫算本係中國創舉前此既無豫算案決算案按照比較欲逐款逐項絲絲入扣又屬非常困難經股員會疊次討論僉以爲審查豫算固貴有精嚴之攷核尤貴有確當之方針誠以豫算一事全國政治財政概係包括在內以政治論則中國現在情勢自應注重教育實業交通等項以培養國家之元氣以財政論則豫算案內不敷之數五千餘萬追加豫算又三千餘萬自應節糜費去冗員以鞏固國帑之現狀本此方針其審查結果於國家新政仍敦促進行而於浮濫經費則大有削減或以之彌補虧空或撥充軍事要需現計原豫算案追加豫算案歲出

總共三萬七千六百三十五萬五千六百五十七兩經本股審查總共核減七千七百九十萬零七千二百九十三兩所餘宣統三年歲出二萬九千八百四十四萬八千三百六十五兩合之歲入三萬零一百九十一萬零二百九十二兩出入兩抵尚盈三百四十六萬一千九百三十一兩作為宣統三年豫算案豫備費應由本院會同會議政務處具奏請

旨飭下京外各衙門遵照宣統三年歲出歲入豫算案切實收支有可樽節之款項仍須隨時核減如實有不敷應用必須稍予變通之處應由京外各該衙門繕具詳細表冊說明確當理由徑行具奏請

旨辦理決算

年度由各主管衙門另繕此項表冊咨送本院追認本股員會疊次開會多數意見相同等情嗣經資政院開會討論逐項表決多數議員贊成無異會議之時並由各該主管衙門到場發議悉心斟酌彼此均歸一致總計預算全國歲入共庫平銀三萬零一百九十一萬零二百九十六兩八錢七分七釐全國歲出共庫平銀二萬九千八百四十四萬八千三百六十五兩二錢三分八釐以入較出尚盈三百四十六

萬一千九百三十一兩六錢三分九釐除將各項詳細表冊彙送內閣會議政務處查照外謹繕具總預算案及說明書清單遵照院章會同具奏請旨裁奪一俟

命下即由內閣會議政務處知照京外各衙門欽遵辦理所有議決試辦宣統三年歲入歲出總預算案遵章會奏緣由謹恭摺具陳伏乞皇上聖鑒再此摺

係資政院主稿會同內閣會議政務處辦理合併聲明謹奏宣統二年十二月二

十八日奉 上諭已錄

### 資政院會奏議決京外各官公費標準片

再查資政院分股辦事細則第二十六條內載專任及特任股員得於該股員中選定額外股員等語資政院預算股員會因審查宣統三年歲入歲出總預算案按照分股辦事細則設立審查京外公費標準額外股員由股員長指定十二人於十月初八日開會討論粗定大概嗣於十月十五日在豫算股員會公同議決旋據該股員會具書報告稱京官現定公費各著多寡不一而近來各省暫定之外官公費參



差尤甚查此項公費係廉俸之外各官本身所得衙署辦公經費並不在內現在官俸章程尙未頒定而本院覆核豫算似此漫無標準實屬無從辦理故不得不擬一標準俾本股各科審查有所依據不致參商凡公費多於所擬之標準者概依標準裁減其少於所擬之標準者暫不增加所有公同擬定各官公費標準另單開出仍候公決等語復經資政院將報告書開會討論僉以爲京外各官公費與豫算案極有關係自應確定畫一辦法當場議決多數贊成各該衙門均無異見謹另繕清單附片奏陳伏乞 聖鑒謹 奏宣統二年十二月二十八日奉 上諭已錄

學部奏改訂簡易識字學塾章程摺

併單

奏爲改訂簡易識字學塾章程以便推行而廣教育恭摺仰祈 聖鑒事竊臣部

於宣統元年十一月二十九日具奏酌擬簡易識字學塾章程奉 旨依議欽此

當經臣部通行京外一體遵奉施行上年十一月二十五日臣部覆陳普及教育分別最要次要辦法清單將擴充初等小學補助機關歸入最要一類此項簡易識字

學塾係單開補助機關之一尤應及時推廣以期識字人民日益增多查原訂章程其畢業期限定爲三年以下一年以上其授課時刻定爲每日三時或二時於簡便易行之中仍寓多方造就之意邇來詳加攷察此項學塾既專爲年長失學及年幼赤貧者而設畢業之期愈近則愈便於謀生授課之時無多可兼營夫操作臣等公同商酌擬將畢業年限量爲縮短定以一年至二年其授課時刻則一律定爲每日二小時雖入塾讀書仍無妨於生計如此則小民易於從事而願學者益多此酌改年限及授課時刻之辦法也學塾之程度既改則所用課本亦應隨之而改原訂章程識字課本有三種國民必讀課本有二種並酌授以淺易算術此次改章擬將兩項課本均改爲一種以歸簡易而免紛歧其簡易識字課本分爲第一第二兩編用圓周教法每編各自爲起止一年畢業者但讀第一編上下兩冊二年畢業者續讀第二編上下兩冊統計全書四冊可分至國民必讀課本亦擬用圓周教法第一年主講演義不課文字第二年仍用原書講演兼課文字蓋是書重在啟發國民

道德知識不以復習為嫌至算術一門原章或用珠算或用筆算未經規定竊謂此等學塾既專為貧寒失學者而設則以實用為主似專教珠算為宜茲已由臣部編成簡易珠算教科書及教授書各四冊其圓周教法與簡易識字課本相同此酌改課本及學科編制之大要也總之小學為教育之本而簡易識字學塾為補助小學推廣教育之用臣等再三討論意見相同謹繕具清單恭呈 御覽伏候 命下遵行所有改訂簡易識字學塾章程緣由謹恭摺具陳伏乞 皇上聖鑒謹

奏宣統三年正月二十四日奉 旨依議欽此

謹將改訂簡易識字學塾章程及授課表繕單恭呈 御覽

第一章 設立及維持 第一條 簡易識字學塾專為年長失學及年幼家貧無力就學者而設以補助小學推廣教育為宗旨 第二條 此項學塾視經費所自出得分為官立公立私立三種 第三條 凡已設之官立公立私立各項小學堂歲入經費較為充裕者均應附設此項學堂 附設之學塾得借用小學講堂教授

此項學塾亦得租借祠廟或各項公所用之 第四條 各府廳州縣勸學所及

地方自治職均有籌款設立及維持之責每學期應將境內學塾數目及學生增減之比較在京呈報督學局在各省呈報提學司每年終由司局彙報學部一次以憑攷核 督學局及提學司應預定每年推廣辦法分飭地方官及學務人員辦理

第二章 教科及設備 第五條 此項學塾課程專教部頒簡易識字課本國民

必讀課本並授淺易算術教授識字課本時須兼教習字 第六條 此項學塾每

日教授鐘點定為兩小時 第七條 此項學塾得酌量加授體操作為隨意科

第八條 此項學塾附設各項學堂之內者其授課時間均以不礙本學堂功課為

準 星期年假暑假講堂閒暇之日均得酌加鐘點授課 第九條 此項學塾應

按學生年齡及所認畢業年限分班教授如學生人數無多程度亦復不齊則用單

級教授法合班教授 第十條 學生不收學費應用課本等項概由塾中發給

第十一條 此項學塾畢業期限定為一年及二年畢業時均發給憑單註明修業

年限及識字若干 畢業後願續進初等小學者聽其一年畢業者得入初等小學  
 第二年級二年畢業者得入初等小學第三年級但以合初等小學年齡者為限  
 附則 第十二條 此外如有未盡事宜應由督學局或提學司就各地方實在情  
 形量為更定呈部備核簡易識字學塾授課表

第一年 第二年

學科 程度 每星期教 授鐘點 學科 程度 每星期教 授鐘點

國文 簡易識字課本第一編上下二冊 識字 講讀 六內習字 兩點鐘  
 國文 簡易識字課本第一編上下二冊 識字 講讀 六內習字 兩點鐘

國民道德 國民必讀課本上下二冊 講演義理 不課文字 三 國民道德 國民必讀課本上下二冊 兼課文字 三

算術 簡易珠算課本第一編上下二冊 加減乘除及諸等數 三 算術 簡易珠算課本第一編上下二冊 加減乘除及諸等數 三

共計 十二 共計 十二

右表所列兩年課程每年各自為圖周如以一年畢業者可但用第一年課程

學部奏遞派貴州學務公所議長摺

奏爲遴派貴州學務公所議長恭摺仰祈 聖鑒事竊查奏定各省學務官制章程學務公所設議長一人由督撫咨明學部奏派等語歷經遵照辦理在案茲准貴州巡撫咨稱黔省近年以來風氣漸開學堂林立教育既見其發達學務益覺其殷繁組織經營自非議長得人不足以資贊助茲查有丁憂在籍翰林院編修王慶麟品學兼優堪膺是選請查照辦理等因前來查議長一職參畫全省學務兼備督撫諮詢責任綦重該撫旣已遴選得人自應查照原咨遵章奏派擬請將翰林院編修王慶麟派充學務公所議長如蒙 俞允即由臣部分咨欽遵辦理所有臣部遴派貴州學務公所議長緣由謹恭摺具陳伏乞 皇上聖鑒謹 奏宣統三年四月二十九日奉 旨依議欽此



文牘

學部節飭公件

學部節飭准廣西提學使呈明諮議局整頓全省教育議案仰即查照文

爲節飭事准廣西提學司呈明諮議局整頓全省教育議案是非失當開具說帖並鈔錄原案請察核批示等因前來查該省諮議局議案所指各弊亦各省辦學之通病概稱某學堂某堂長某監督某教員均未一一指明自是不肯任怨必謂實無其事亦難臆斷該省諮議局議案係爲整頓全省教育起見推本於擇佳省視學要爲探原扼要之論不獨廣西一省爲然各省莫不當然其所指陳弊端緣諮議局勢處局外故責難之言不免稍有過當之處該學司辦理爲難情形亦本部所能見諒此案應仍由該學司按照該省諮議局原案如各學堂實有該議案所指各弊即應力加整頓漸圖改良其確係無此項弊端者亦須極力防範以免效尤除節覆廣西學司遵照外相應鈔錄廣西諮議局議案節飭該學司查照辦理可也此節



亟謀整頓全省教育議決案

竊教育爲富強之本務教育不良凡百新政皆不能行吾省講教育有年矣其教育之費年累千萬而教育之效杳如捕風試一揭學堂之內容與其所主持教育之一般人物未有不扼腕拊心而長太息者也欲急謀補救之方不得不略述見聞之所及弗嫌煩瑣摭拾言之吾見教授之紊亂無有過於吾省今日之學堂者也查奏定學堂章程某學年教授某學科某學科教授至某程度並某星期教授若干鐘點均詳載定章學堂照章教授何至紊亂乃查某中學中國歷史至終第四年尙未畢又某中學經學左傳終第四年亦未完者博物本止於第三年而有某中學第四年尙教植物者代數亦止於第三年而有某中學第五年尙不能了者外國語爲最主要之學科將來入高等學校必須直接用外國語課本講授而某中學期至畢業讀本第二書固未終篇而文法書或止於英文法程或未快（譯音）文法之少本或并文法而尙未教者所以屆近畢業之月日每每將五年缺課未了之科學紛投忙進

教員則囫圇教授學生則硬食生吞祇圖潦草急就以爲畢業者其學生之斷無成績可知又况奏定章程所云學科程度鐘點亦不過示以概略而未嘗無所變通如對於某學科學生之程度優劣如何對於某學科教員之聘請難易如何其中時間之分配總不能無臨時增減伸縮一有增減伸縮則全學科之程度鐘點皆盡立於活動不定之地位苟非深明教育可以隨時察看情形爲之酌盈劑虛使各學科程度均適應於某學班畢業之企圖而得循一定之軌線進行而無誤鮮有不至於以上教育之紊亂云云者嘗見某學堂代數尙在加減乘除而一面遽授以幾何又或幾何未教而一面並加以物理夫幾何非代數式不能明而物理非幾何學不能顯（力學光學最多）至有用陳文算術爲課本輒用代數術以馭題者國文無文法教科書即以馬氏文通爲課本者（此書非課本）顛倒錯亂教員學生兩受其苦卒之廢耗學生之腦力拋擲黃金之時日年限已畢學業未畢徒喚奈何夫現行奏定章程學科之繁重及審定各種教科書之呆笨而學生開班時又並未有相當之

程度其中欲爲之消息其學科詳略其課本雖以教育大家明定方針尙應或有教授上多少之困難者更何堪復入以庸劣下手沐猴而冠使其翻之覆之顛之倒之勞如亂絲莫可就緒無怪乎吾省學堂教授之紊亂至如此極也吾又見其管理之廢弛無有過於吾省今日之學堂者也學堂管理與教授有密切之關係管理不良即教授無效心不在焉視而不見聽而不聞學問之道無他求其放心而已學堂管理凡學生之起居出入寢興食息皆以最嚴之規則部勒之所謂制外以養中閑邪以存誠其意即在於此蓋人之精神祇有此數其耗散於無用之地即告匱於有用之時知誘物化物交物斯引之而已矣今學生當授課時每見其注意力之薄弱而不能興奮其精神者大半因管理廢弛先不能收束其精神早已潰壞於他事如是雖以極良教師教授要亦奕秋誨奕一心以爲鴻鵠將至耳况乎管理一有廢弛即養成學生種種不良之習慣敗壞其道德放肆其行爲勢所必至查奏定學堂章程管理綦嚴而今日學堂每奉行不力如學生出入必須告假以便稽查今學堂能實

行之耶如學生非通學者不得無故在外寄宿今學堂又能實行之耶在自習時刻學生務宜溫習功課不得擅離坐位乃上講堂時尙且擅離何有溫習夜十點鐘一律息燈就寢不得聚談乃夜出寄宿且不告假何有息燈其甚者授課則闐堂誼遜考試則傳抄夾帶夫授課不注意則考試時流弊必多考試時不認真則授課時必無人注意考試之大弊無過於夾帶傳抄觀望而管理員可坐視弗恤者其他可知此外則尙有種種之怪象出現於吾省學堂者星期六夜學堂自監督堂長至於役夫皆金吾不禁在街滿街在巷滿巷學堂闐其無人此一怪象也遇有慶祝假或節假例放一日乃未至假期先放一日似須爲預備者既過假期又放一日似須休息者再若適值例假之日又有所謂補假者假之不已清明放假重九亦放假學生苟有要求學堂即可答應此又一怪象也會食時嘈呶聒耳聲達屋瓦如羣餓聚嚇寄宿舍爐灶羅列洩溺任意如勇兵營房此亦一怪象也諸如此類不可究詰吾觀省城學堂在學司鈐轅之下尙皆如此他處可不問矣又何怪乎吾省學堂管理之廢

弛之至於此極也

學堂既有以上雙方之腐敗則其所得之結果竟遠不如前之八股書生猶能束身自好多識幾字今則高等小學四年畢業不能作一信札中學五年畢業不可以讀普通書其不良無行之結習更或傳染於社會流毒於風俗而爲人心世道憂今之視學堂爲畏途者雖曰父兄頑固亦實有因不能盡怪如今之學堂學生學至代數我敢決其乘除合問尙無法以馭題也授畢幾何我敢言其直線初題亦求証而不出也吾嘗歷觀某學堂與某學堂讀五年英文不能自拼音者演三次方程尙不知移項者月攷試三角題尙有問一度是否爲十五分者已課物理化學而水之元素與光行直線之淺語亦絮聒不休者至於野蠻自由家庭革命煙花飲博逢場作興自謂風流金錢之揮霍光陰之虛擲曾不少愛惜有某學生在某中學堂年用至九百餘金其父爲田舍翁初不知學堂之費用若干杖策來堂詢問始悉蓋一學生年耗三四百金者則司空見慣矣父兄之負擔幾何而學堂之害累及子弟至此時諺

云學堂之業未畢而家庭之業已畢矣此語可爲寒心嗚呼教授之紊亂管理之廢弛至所得一般學生之惡結果如以上云云者筆難盡書更僕莫數乃於我廣西學堂悉具之乃於廣西之二三學堂亦悉具之不過監督堂長不自知而視學員勸學所不及覺即有目擊其蔽報告及此不知者或以爲紂之不善不如是之甚而豈驗其有由來哉吾得而直言之矣

一教員或管理員之非人也教員笑柄吾省學堂爲最多歷史教員有以器不苦窳之窳讀瓜音者顏杲卿之杲爲果字者地理教員有以興安嶺爲興安嶺者有以西印度即印度者博物教員開頭即以馬講並演出種種醫馬法者理化教員有不知硝子是何用物振子作何動狀者管理員則少年闊綽派有日則外又麻雀睇十五胡者有夜則與學生飲花酒入戲院者有無日無夜混同全堂以買山票競彩者其老成持重派則有鎖鞦韆架禁止學生運動有口含長木桿煙草以指揮學生者有

冷時胸前抱一火籠對學生喃喃作腐氣語者教員管理員如此此雖學堂不盡然

但教員而曉教授法管理員而知管理法者則吾省絕無人可斷言也

二監督或堂長之非人也監督與堂長其主管全堂教育之事務同其督率堂內教員職員及董事之責任亦同非深明教育學者不能非具有切科學知識者不能中學堂照章無總教員關於教務部監督實兼之堂長而兼正教員小學尙易監督而兼總教員則學科應如何支配課程應如何排列與課本應如何指定監督不知則教員將各自爲教而教授紊亂必不免矣今吾省學堂監督試問以學堂功課今算學教至何地方外國語是用何讀本博物理化其中學生之最困難者有何處當皆瞠目而不能答甚而有問中國歷史已到某朝代彼亦不知者蓋現在學堂監督半屬候補官半不知教育之學子到堂以坐鎮無事爲天職實學堂中之一贅疣物而已

三省視學或勸學所總董之非人也勸學所總董並縣視學與省視學之職務及行爲均無以異勸學所總董之非人對於一縣未有之學堂不能振興已有之學堂不

能整頓今勸學所總董多地方濫劣紳士充之彼視爲普通局所一席位安所識爲學務者省視學巡視全省學堂比縣視學其格尤高須有鑑定各種學堂良否之知識方足以言視學不然一切科學不知如歷年所派視學員試問其普通科學曾有一科可以自信者覩然面目曰視學視學亦盲者之不辨黑白而已祇斤斤焉詰責人之不用審定教科書或挑剔一二條經費支數之不實或指說數句校長管理衛生之不得法統套語所視學者如是而已所報告者亦如是而已至於其中學科課程教授有不適者監督堂長教員有不諳教育者則皆視而不見焉既無鑑定學堂良否之知識又安有整頓學堂之方法一省之教育寄耳目於此輩真所謂以盲者視聾者聽矣夫教員或管理員之非人若監督或堂長得人而有以甄別之則教員管理員可無慮矣又監督或堂長之非人若省視學或勸學所得人有以甄別之則監督堂長亦可無慮矣且省視學所到固可以甄別監督堂長並可以甄別勸學所總董省視學果能有知人之明則監督堂長勸學所均可以杜濫竽之謬是求多數之



教員或管理員難而求少數之監督與堂長應易又求多數之監督與堂長難而求少數之省視學與勸學所總董應易即又求多數之勸學所總董難而求少數之省視學員當無不易耳人才雖甚缺乏而求其通曉教育熟悉學務者全省之大僅需四人焉諒未必不可拘其數苟省視學確得其人則省視學所到一方面可以甄別監督與堂長一方面可以甄別勸學所總董勸學得人則縣視學得人一縣之學堂堂長與教員將均得其人矣監督與堂長得人則教員與管理員亦皆得其人矣甄別之後繼以糾察糾察之後終以指導學堂之教授管理未有不可以暫改良者所謂一人學成教成十人十人學成教成百人如身使臂如臂使指省視學者質而言之即監督堂長勸學總董之糾察官而兼爲良導師者也堯以不得舜爲已憂舜以不得禹臯陶爲已憂吾省欲整頓學務亦求其所謂禹臯陶而已矣

夫吾省視學向派四人吾省地理上之區域向亦分爲四道今視學區域如桂平如梧州鬱如柳慶思如南太泗鎮雖與分道有殊而區域亦畧相等計視學之區域其

縱橫距離最多不過六七百里其往返最久不過六七日或旬日而已視學於其所  
在之區域府直廳州則以其中學堂與府直廳州他種之學堂爲視點廳州縣則以  
其勸學所與廳州縣所有之學堂爲視點先判別其監督堂長與勸學所總董之優  
劣再視查其教授管理之是否良好爲之指示其方法督率其改良監督堂長總董  
可糾正者則糾正之其不可糾正庸劣不堪者則稟撤之教員管理員有不稱職飭  
其監督堂長或總董更換之每府直廳州或廳州縣視察十日或七日每學期至少  
必視察二次以上其已能改良者得省視察之次數與日數其未能改良者可多次  
視察之務于確能改良而止按其所在之區域輪流巡迴週而復始必使其視學區  
內監督堂長與勸學所總董常與視學有息息相通之氣無論視學所到何處學堂  
可隨時請示視學視學亦可隨時指示學堂其學科之進退其課程之伸縮其學生  
之成績之良否常往來分明于視學者之心中而無絲毫之隔闕其學堂所在之地  
即其精神所到之地學堂之教育而良應爲視學之功學堂之教育不良亦即爲視

學之咎視學負其責任則學堂之視察必週學堂之視察既週即教育改良可企設  
視學又不得其人應由教育總會或學務議紳稟請提學司另行選派以免貽誤此  
整頓全省教育之要點也

撫院札飭公件

撫院札准 學部咨簡易識字學塾畢業憑單條例仰即通行各屬一體遵照

辦理文

爲札行事宣統三年五月十四日准 學部咨開普通司案呈准浙江巡撫咨開據  
提學使詳稱案照奏定簡易識字學塾章程第三條載此項學塾畢業生均發給憑  
單註明肄業年限及識字若干等語是此項學生畢業後必須發給憑單執守惟此  
項憑單未奉學部頒有定式究竟是否由司擬式頒行各屬抑係由地方官自行定  
式填給亦未奉有明文浙省辦理是項學塾較早所有遵章酌量變通一年畢業之  
學生已屆期滿茲據蘭溪縣請發憑單前來究竟如何辦理事關通案理合詳候咨  
詢學部從速復浙以便遵辦等情到本部院據此相應咨請爲此合咨貴部請煩查  
照從速覆浙以便飭遵施行等因前來查此項畢業文憑爲考核人民識字之資並  
爲轉入初等小學之據自不能不亟爲規定以利推行本部現已訂有定式並附列

填發憑單簡明條例十一條應即按照辦理以歸畫一除咨復浙江巡撫外相應黏同憑單式樣咨行查照轉飭遵照可也等因到院准此合就札行爲此仰該司通行各屬一體遵照辦理此札

條例附

填發畢業憑單簡明條例

一此項憑單式樣在京由督學局在外由學務公所刊印發交各勸學所照式刊印多張以備各塾學生畢業時領取

一勸學所刊發憑單之費准其作爲正項開銷不必取償於學塾

一憑單上應由勸學所蓋用圖記編列號數

一勸學所發給此項憑單之時應備存根簿以爲根據

一憑單之首簡易識字學塾字樣之上應填明某州縣某處官立或公立私立抑或

某學堂附設字樣

一畢業期限應於第三行滿字下年字上填明

一 學生所識字數填憑單第三行在字之下字字之上

一 塾長字下應填寫姓名姓名之下即由塾長自蓋印章或畫押以爲徵信

一 學塾若爲他項學堂所附設者即以該堂監督或堂長之姓名填於塾長字下

一 勸學所圖記鈐於宣統字下本學堂若備有圖記可鈐於憑單之首

一 發給此項憑單之時由各該勸學所將某處學塾畢業人數若干分別冊記在京

報明督學局在外報明提學使司均按上下學期隨同一覽表呈部備查

撫院札准 學部咨所有第二次教育統計表亦經辦理完竣仰即查照俟圖

表到日即行分發各屬文

爲札行事宣統三年三月初十日准 學部咨開本部辦理教育統計業於上年四

月將第一次印成圖表通行在案所有第二次統計表亦經辦理完竣已於上年十

二月二十六日繕具黃冊進呈 御覽奉 旨著憲政編查館知道圖表併發

欽此自應查照向章按各省廳州縣屬每屬給發一冊簡由各該學司轉發各屬勸

學所收存查閱並由本部審量各省情形每省加多發給以備該學司分給學務公所科長或科員及直轄高等各學堂之用相應咨行查照轉飭遵照可也等因到院准此合就札行爲此仰該司查照俟圖表箭行到日即行分發查閱此札

撫院札准 郵傳部咨上海高等實業學堂收考各省官費生簡章行司查照  
辦理文

爲札行事宣統三年五月十三日准 郵傳部咨開參議廳學務科案呈准本部上海高等實業學堂監督唐侍郎咨稱案查本校官費生每屆招考之前數月向由本部通咨各省督撫擇尤選送到校報考在案現在各省中學畢業者項背相望本校各專科下學期添開初年級除附屬中學畢業生升入外各班尙多餘額定於閏六月下旬廣行招考茲特刷印簡明章程五百張擬請本部咨行各省將章程隨文分送每省發去二三十張以廣招徠相應咨請本部查照辦理并請轉咨各省咨送前項官費生務於閏六月中旬赴滬報到切勿遲延致誤等因并附收考各省官費生

簡章前來本部查宣統元年閏二月間本部奏陳上海高等實業學堂擴充專科預籌經費一摺內稱擬自本年下學期爲始由各省督撫提學使考選中學畢業生每省至多四十名至少二十名咨送到滬由該堂考取分入專科肄業本省按名歲籌學費銀二百兩匯解學堂以資協助一切膳學等費概不取之學生一班畢業接續考送比之遣派游學省費甚鉅而數年之後成材實多業經奉 旨允准咨行欽

遵在案茲查前准貴撫咨稱本省尙無畢業中學學生堪以選送等因現在各省中學漸次畢業此項合格學生自應不難其選本年下學期正在該堂添班之時應請查照奏案按照收考簡章所列各節挑選合格學生應期逕送上海高等實業學堂收考仍希另開所送學生履歷清冊咨明本部備案除咨復唐侍郎外相應檢齊收考簡章二十份咨請貴撫查照辦理見覆可也等因到院准此合就札行爲此仰該

司查照辦理此札

簡章附

收考各省官費生簡章



一欲入本校高等專科者務須普通中學畢業呈驗文憑方可收考

二本校專科有鐵路電機二門所有送到各生應考科目如左

甲英文繙譯兼習德文法文者一併報明

乙算學考平面三角實體幾何

丙理化 普通學

丁圖畫 機器畫

右所列之各科如均合格分入專科肄習畢業後送京覆試請獎

三前列各科雖未及格而英文已通順能直接聽教員講授者算學代數已習完幾何已習第二本者理化已通淺理者圖畫已習用器畫者聽候分插附屬中學四五年級後補習合格再行升入專科若并無前開程度恐空勞往返毋庸咨送

四各科學雖能及格或品性不良或中文欠通者仍不在留校之例

五本校升級考試向在下學期之初各省考生名冊務於閏六月中旬咨達本校以

便預備一經開學上課概不補考

六學生入校後除每年官費銀二百兩外所有書籍文具物料等費各生自備

撫院札准 內閣會議政務處咨會同資政院具奏議決黔省國家歲出豫算

表行司分別摘錄轉行遵照文

爲札飭事宜統三年三月二十五日准 內閣會議政務處咨開資政院會同本處

具奏議決試辦宣統三年預算各摺片於宣統二年十二月二十七日具奏二十八

日奉 上諭試辦宣統三年歲入歲出總預算案由度支部擬定奏交會議政務

處會同集議旋經該處王大臣奏交資政院照章辦理茲據該院奏稱此項總預算

案業經斟酌損益公同議決遵章會同會議政務處具奏並繕具清單請旨裁奪等

語現在國用浩繁財力支絀該院核定宣統三年預算總業朕詳加披覽尙屬核實

如確係浮濫之款即應極力削減若實有窒礙難行之處准由京外各衙門將實用

不敷各款繕呈詳細表冊叙明確當理由逕行具奏候旨辦理至裁汰綠防各營於

各省現在地方情形有無妨礙著陸軍部會同各省督撫悉心體察熟權利害從長計議詳晰具奏又會奏議決京外各官公費標準一片著俟編訂官俸章程時候旨施行欽此嗣因冊中數目筆畫多有訛誤復經度支部重加核算更正編定成冊相應將原奏並部編各省歲出預算表冊及資政院議決各省司法經費表說明書先行刷印咨行貴撫欽遵查照辦理其歲入預算表冊俟印成後再行咨送可也等因到本院准此查本年此項國家歲出豫算表現經 資政院會同 政務處公同議決試辦自應遵行惟查閱表中增減之數按之本省情形有可遵辦者亦有實在不敷尙待籌議者本院業於初九日在本署會議廳開會逐款詳加討論議決加蓋戳記除發交財政局查照辦理並會同布政司彙詳查核具奏外合行札發爲此仰該司欽遵查照並將表列款目分別摘錄轉行所轄各局所各儒學一體遵照此札

撫院札考試正佐各員等第名次行司分別令入法政學堂肄習文

爲札飭事照得本撫院於六月二十日考試正佐各員所有試卷業經評定等第除

榜示外合將等第名次抄錄札知爲此札仰該司查照考列一二等者分別差委其  
一二等中新到省人員與三四等者令入法政學堂分別速成長期兩班肄習俟得  
卒業文憑再行差委特札

計開

正班二等十一名

吳駿烈 劉熙朝 石乃敏 梁永澤 張 驥 王遇熙

李德鴻 彭承忠 張定銜 吳紹鴻 劉 堪

佐班一等六名

曾昭然 康慎樞 邱 崇 謝典琪 王語溫 黃聯甲

佐班二等十五名

江廷謀 王永賚 廖龍瑞 李劭培 楊增秀 唐德周

胡賢英 嚴稟經 呂存端 朱榮誥 陳嘉績 胡永燿

孫多堡 楊大椿 陳廷清

佐班三等四名

胡昌期 嚴應瑞 唐煥龍 袁登科

佐班四等三名

吳文鈺 劉楨柱 董廣

撫院札新到省人員及此次考列三四等各官應令入法政學堂肄習行司遵照辦理文

爲札飭事照得本撫院第六次考試在省候補正佐各官業經分別等第榜示札司在案查定章一二等分別差委三四等令入法政學堂肄習又新章新到省人員均應肄習法政所有此次攷列一二等中新到省人員及三四等之佐貳各官應即遵章辦理除牌示知照該員等即赴該司衙門報名入堂上課外合就札飭爲此札仰該司遵照即將攷列一二等中新到省人員及三四等各員令入法政學堂肄習並

轉移藩司知照特札

藩司移奉 撫院札准憲政編查館咨會奏考核各省州縣事實分別勸懲一

摺又附奏嗣後考核府廳州縣事實另由各衙門辦理一片請查照文

爲移會事案奉 撫憲札開宣統三年三月十四日准 憲政編查館王大臣咨開

宣統二年十二月二十六日本館會奏考核各省州縣事實分別勸懲一摺又附奏

嗣後考核府廳州縣事實另由各衙門辦理一片欽奉 諭旨憲政編查館會奏

考核各省州縣事實分別勸懲繕單呈覽一摺又奏嗣後考核府廳州縣事實另山

各衙門辦理一片均著依議欽此查本館奏定辦法內開凡州縣列入最優等者令

各該督撫卹具切實考語送部引 見列入優等連任各州縣倘於各項新政實

有擴充始終不懈者准予升列最優等頻年屢任皆列次等實缺者停升候補者扣

補各等語各該省此次單開各員應即照章分別辦理以昭激勸至本館考核州縣

事實業經奏明停止查向來州縣事實冊係分學堂巡警工藝種植命盜詞訟監押

錢漕八項由各省督撫填註咨送本館會同民政部辦理現在本館既經奏請停辦應自宣統元年起由各省督撫於每年咨送統計報告時即將各該州縣所管事項成績分咨各該管衙門考核如學堂歸學部巡警歸民政部工藝種植歸農工商部未設審判廳各州縣有命盜詞訟監押事件者歸法部錢漕歸度支部之類無須再造總冊以省繁文各衙門於所管之事如查有州縣不能切實奉行者自應隨時奏請懲處以儆怠玩毋庸遵照以前分別等第勸懲辦法相應恭錄 諭旨刷印原奏開具員名清單咨行查照辦理可也等因到本院准此合就札知爲此仰該司即將發下原奏並清單各一本迅速排印移送學法二司暨三道一體欽遵查照辦理計發原奏清單各一本辦畢速繳等因奉此除原奏清單呈繳 撫院外相應抄錄原奏清單備文移會爲此合移 貴司請煩查照辦理施行須至移者 附清單

計開

貴州州縣列入優等一員

正安州知州郎承模

學堂 高等小學一所初等小學四所學生二百六十四名

巡警 巡警教練所一處學生一百二十名

工藝 習藝所一處編造綿帶斗笠草鞋竹器等物

種植 蠶桑試驗場一所桑樟桐漆茶梧

命盜 命案一起未獲犯盜案一起已定案

詞訟 一百十八起已結一百十七起

監押 三名

錢糧 未全完

貴州州縣各員列入平等四十六員

羅斛同知劉復校

定番州知州嚴崇經



廣順州長寨州判劉植誠

貴筑縣知縣陳慶慈

修文縣知縣陳介白

安順府知府承先

郎岱同知王垂書

歸化通判韓興東

永甯州知州李傳璋

普定縣知縣鄒炳文

清鎮縣知縣江若樑

安平縣知縣廖玉墀

興義府知府陳鴻年

貞豐州知州羅仰懷

興義縣知縣馬楨

普安縣知縣石作棟

安南縣知縣楊詠裳

大定府知府吳嘉瑞

威甯州知州章烘

畢節縣知縣邢森

遵義府知府袁玉錫

綏陽縣知縣方峻

桐梓縣知縣王孔鑄

都勻府知府王玉麟

八寨同知增治

都江通判劉憲邦

丹江通判李文寶

麻哈州知州張肇銓

獨山州知州羅萬華

都勻縣知縣林廣堯

清平縣知縣熊士清

清江通判王百銳

天柱縣知縣鄒毅洪

安化縣知縣劉雲衢

婺川縣知縣戴永清

印江縣知縣楊瑄

石阡府知府陳武純

龍泉縣知縣詹愷

玉屏縣知縣龔玉銓

下江通判朱方輝

永從縣知縣陳望林

平越直隸州知州李應華

餘慶縣知縣劉宗澤

湄潭縣知縣吳宗周

普安直隸同知胡瀛濤

仁懷直隸同知江良醇

貴州州縣列入次等十員

定番州州判王其光

知州廖映旭

開州知州倪家驥

貴定縣知縣任本恕

貞豐州州同朱瑞章

荔波縣知縣黃鳳祥

台拱廳同知施錫恩

青谿縣知縣任萬清

銅仁縣知縣張鍵

古州同知成鴻麻

本司詳飭公件

本司詳 撫院申明各屬設立簡易識字學塾情形列表呈核文

爲詳明事案查 憲政編查館分年籌備事宜清單內開創設府廳州縣簡易識字學塾一案經前署司賀國昌擬定辦法詳蒙 前憲台奏咨並通飭各屬遵照辦理在案嗣奉 學部頒發簡易識字學塾章程又頒定課本經本署司先後排印通飭並督催各屬依限趕辦極力推廣各在案去後據各屬申覆到司查已經遵飭開辦造有表冊者三十九塾已報籌設開辦尙未造冊者二十六塾共計六十五塾其未開辦各屬多以籌有的款再行開辦爲辭當經分別批飭認真舉辦不得空言塞責各在案現屆彙報之期各屬冊報尙屬寥寥碍難彙辦不得不另籌捷便之法由司刷印簡易識字學塾一覽表多張札發各屬飭令依限填報其未開辦者飭省視學沿路勸導一律籌設又查本章程內載設立此項學塾爲地方官及勸學所總董之專責地方官及自治會並應任籌款之責即以此事作爲地方學務考成由該省提

學司認真考核其成績較優者量加獎勵不力者輕則記過重則詳請督撫參辦等語查印江縣一屬開辦二十餘塾其餘各屬或未辦或辦而不力察其原因雖由經費難籌亦實因對於此項章程未及詳閱所致擬請 憲台通飭各府廳州縣恪遵定章趕緊籌辦自此次通飭以後由署司認真考核分別優劣詳請照章核辦似此辦法庶可陸續推廣不至貽誤憲政除分飭各屬及省視學查照辦理外所有推廣簡易識字學塾辦法及現已設立學塾及學生名額情形理合具文另表先行詳請 憲台俯賜查核 批示飭遵一俟各屬報告表冊造送到司再行另案詳請咨部實爲公便爲此備由詳乞 照驗施行須至詳者

本司詳 撫院據遵義府稟請給獎三年師範簡易科畢業生文

爲詳請轉咨事案據遵義府知府連培型稟稱竊府屬官立初級師範學堂係由前升守袁玉錫創辦於光緒三十三年二月開學是年十二月一年師範簡易科甲乙

全科即現在在堂之師範乙班是也一爲師範三年簡易科即去歲年終考試畢業之師範丙班是也其丙班學生自光緒三十四年正月升級後已經稟報在案結至去歲十二月在堂肄業六學期屆滿先由知府督同本堂堂長監學教員等認真考試並蒙派委學務官楊中書協元洩遵覆試在案茲特遵照新頒表式將覆試分數與畢業分數平均計算再與歷期歷年分數平均爲實得總平均分數按照等第次序計得最優等蘇尙賓等二名優等王宅中等十一名中等黃宗焱等三十四名下等王光輝等六名填寫履歷分數表三份加蓋騎縫印信隨同畢業試卷專差齎送憲轅以備查核該班學生自開堂以來連同預科在堂肄業四年期滿尙能黽勉求學其教授管理均能合法且定章初級師範簡易科由官設立年限在二年以上成績優著者得請獎勵此次府屬初級師範學堂確係官立而丙班學生畢業情形亦實與定章相符其年限且較定章過之擬懇詳請 奏咨援照直省各師範簡

易科畢業成案照章給予獎勵以資激勸是否有當理合隨同畢業試卷暨履歷分



數表三份詳請查核轉詳

奏咨給獎等情據此當經本署司查前奉

學部節

發初級師範簡易科畢業獎勵章程內開畢業考列最優等者比照初級師範中等獎勵作爲師範科貢生以訓導用令充小學堂及程度相當之各項學堂正教員俟義務年滿以應升之階儘先補用考列優等者比照初級師範下等辦理均令充小學堂及程度相當之各項學堂副教員俟義務年滿作爲師範科貢生獎給訓導銜考列中等者准充小學堂及程度相當之各項學堂副教員考列下等者給及格文憑等語業經遵辦在案茲據該府請將此次初級師範簡易科學生考列最優等之蘇尙賓等二名優等之玉宅中等十一名中等黃宗焱等三十四名下等王光輝等六名照案分別給予獎勵尙與定章相符合將履歷分數表照檢二份具文詳請憲台俯賜查核

奏咨給獎實爲公便爲此備由詳乞

照詳施行須至詳者

本司通飭各屬遵照

撫院札准學部咨前頒布畢業文憑係專指各學堂本

科畢業而言其各補習公共預科等應量爲變通文

爲通飭事案奉 撫憲札開宣統三年五月十五日准 學部咨開普通司案呈照

得學堂畢業文憑前經本部頒布條例刊印式樣通行各省遵照辦理在案查該條例第一條聲明不滿一年半之法政講習科及不滿二年之師範簡易科不得適用又該條例係專指各學堂本科畢業而言其非本科者如初級師範及優級選科之預科優級師範之補習科公共科中學堂及程度與中學相等各項學堂之預科應如何辦理之處自應另行規定以資遵守查前項補習科公共科以及各項預科均爲預備升學而設雖係畢業究與本科畢業不同其畢業文憑若一律適用畢業文憑條例未免過涉繁重應量爲變通凡刊印填寫用印補改等項均由各本學堂仍用部頒文憑式樣參照畢業文憑條例自行辦理毋庸向該管衙門承領其應行用印之處均蓋用各該學堂關防或鈐記亦勿庸蓋用該管衙門印信以歸簡便至不滿一年半之法政講習科不滿二年之師範簡易科應一併比照辦理以歸一律相應咨行查照行知提學司轉飭各學堂遵辦可也等因到本撫院准此合就札行爲

此仰該司轉飭各屬暨各學堂一體遵照辦理等因奉此合就通飭爲此札仰該即便一體遵照辦理切切特札

本司通飭各屬本年閏月職教各員薪水分別核辦文

爲通飭事案據省視學李慶春稟稱竊視學查視各屬學堂多以今年置閏月薪無着職教各員互相爭論查各學堂月薪定數之多寡原不相同而計月致送均以每年十二箇月預算然有按十二箇月或十一箇月或十個月相送之異者於閏月並未計及在上年因有暑假凡遇閏議月薪者以之相勸尙堪抵制於今暑假已停無處不以之交涉擬請一律規定如閏月之年或作十二個月或作十一個月開支無閏之年或作十一個月或作十個月開支通飭遵照辦庶歸劃一而免紛爭等情據此查該視學所擬猶未盡善茲由本署司擬定辦法合行通飭爲此札仰該即便轉飭勸學所查明各學堂教員職員薪水向係按月支者准其加開按年支者不准加

閨以歸劃一而免紛爭切切特札



本司批牘選登

修文縣申送私立廣智高等小學堂畢業學生履歷分數表冊由

批 申悉查羅朝卿畢業試卷各門分數與表冊所填分數無異惟音樂一門分數卷面係四十分改爲四十五分細核圈改之意實係四十分非四十五分也但按四十分核算其總平均亦應得六十分原冊雖有誤填音樂五分以致總平均得有六十分零二釐之錯而於等第尙無出入羅朝卿着以中等畢業仍將總平均分數改爲六十分仰即知照此批摘由發

天柱縣紳民羅文星等以朦上剝下藉公肥私具稟楊光明等懇律究禁止等情由

批 據稟已悉查教練自治勸學巡警及各項學堂均係新政應辦之事所派士紳經管亦係正辦豈得謂爲賄派至城鄉所有之書院公田學署公田賓興費以及屠捐斗級各公款改歸各紳經手以公辦公豈得指爲更改舊章惟辦事首在得人該

董事楊光明等經管款項是否涓滴歸公因何招怨仰天柱縣逐一查明稟覆核奪  
毋稍徇隱切切稟發仍繳

興義縣稟擴充公立速成蠶桑小學堂並職教員履歷及擬議簡章各緣由乞

示飭遵由

批 稟摺均悉具見留心實業辦事認真所擬簡章尙屬可行仰即查照前發表式  
速即填表申送來司以憑彙詳至請於學生畢業發給憑照外加獎功牌應俟屆時  
再行詳 院核辦仍候 各衙門批示繳稟摺存

貞豐州申州民章正恩捐款助學請給匾額獎勵由

批 申悉章正恩以小康之家乃肯捐款助學實屬熱心公益應准頒匾給獎以昭  
激勸仰即知照此飭匾文印花併發

思州府稟郡城設立蠶桑傳習所以爲實業先導抄章填表請核立案由

批 稟悉興辦實業原爲當今要政况值鶯粟禁絕民間生計艱難尤不能不亟籌

抵補該府於郡城先設蠶桑傳習所藉開實業教育先河甫經兩月業已縲得新絲具見實心任事應准如稟立案至擬於暑假後合府縣財力同辦一初等農業小學堂自係變通辦法仰俟組織成立另行具稟核奪仍候 勸業道批示繳稟摺表存

遵義府初級師範畢業生李枝榮等稟田廷璋違制成婚懇嚴戒由

批 查親喪婚娶大干例禁所稟如果屬實該田廷璋身充小學堂長爲人表率何竟忍心害理一至於此仰遵義府轉飭綏陽縣查明懲警以端風化此批

籌辦達德女子師範學堂職員賈上書等稟請立案發給關防由

單 據稟開辦女子師範學堂選定丁憂在籍度支部主事陳紳元棟爲總理請刊發關防立案等情查該職等辦理女學有年均屬公正今又籌辦女子師範學堂以爲高小女學升進之階所辦甚善足徵熱心教育應先刊發關防以資信守候將詳細章程及各項表冊造報到司再予詳請立案繳關防并發

分部主事王鐘靈等稟呈籌辦公立法政學堂章程請核奪立案示遵由



堂一覽表及職教各表務即飭令分別填造呈由該縣轉送以憑彙案詳咨另單所稱以張雲垓充當教員如加札委派可也此繳表册存札附發

龍里縣屬巴香里民黃治平稟姚紹英等仗學詐搃藉公圖產等情由

批 據稟仗學搃詐等情前據姚紹英等一再稟控該民到司核閱各節固知其中不實不盡節經批示在案茲查該民所稟此事前有商撥之舉想亦不無可乘之隙乃該民出言不善以致招尤其平素不能和以處衆已可概見惟據稱副教員周子奎率領學生打場如果不虛尙後成何事體仰龍里縣查明傳集一千人証秉公斷結並將打場情形詳細申覆查考稟發仍繳

正安州總堂長王懋德等以糾衆阻公毀校罷市等情具稟周星源等一案懇思嚴究由

批 稟及抄件均悉該生等創辦布捐以爲女學經費查抽捐辦學各處恒有未可厚非惟事前未能熟悉商情統籌全局預爲商安率請州官批准立案以致物議沸

醫學  
國文 專修科職員張受石等稟填表立案咨部迅發給監督札文及鈐記由

批 稟及各表均悉查大學分科凡八門三文科四醫科又定章內載各分科大學之學習年數均以三年爲限惟醫學以四年爲限等語今一覽表所定宗旨專以講求國文研究醫學查原稟又聲明年半畢業夫年半之間講習兩科雖係專修亦與部章大相逕庭至學生履歷未據冊報究係何項資格有無高等以上學力尙難懸揣又歲入款項三百八十兩係由學費及維持會所出基金未固將來能否持久亦難逆料其宗旨既錯亂如彼其經費又虛懸若此而其奢望又欲仰邀獎勵一經詳咨必于部駁該職員等熱心教育自行研究則可咨部立案則不可也所請札派監督刊發鈐記之處碍難照准繳原表發還

普安縣稟到任推廣各小學情形造具表冊呈核立案示遵並再稟請札派張雲垓充當初等教員由

批 據稟推廣各小學情形具見熱心教育洵堪嘉慰自應一併准予立案其各學

堂一覽表及職教各表務即飭令分別填造呈由該縣轉送以憑彙案詳咨另單所稱以張雲垓充當教員如加札委派可也此繳表册存札附發

龍里縣屬巴香里民黃治平稟姚紹英等仗學詐搯藉公圖產等情由

批 據稟仗學搯詐等情前據姚紹英等一再稟控該民到司核閱各節固知其中不實不盡節經批示在案茲查該民所稟此事前有商撥之舉想亦不無可乘之隙乃該民出言不善以致招尤其平素不能和以處衆已可概見惟據稱副教員周子奎率領學生打場如果不虛尙後成何事體仰龍里縣查明傳集一千人証秉公斷結並將打場情形詳細申覆查考稟發仍繳

正安州總堂長王懋德等以糾衆阻公毀校罷市等情具稟周星源等一案懇

思嚴究由

批 稟及抄件均悉該生等創辦布捐以爲女學經費查抽捐辦學各處恒有未可厚非惟事前未能熟悉商情統籌全局預爲商妥率請州官批准立案以致物議沸

騰齊行罷市並污及女學在正安州固難辭辦理不善之咎而作俑其誰該生等不知自反乃責地方官過慈試問此等公憤由何激動由何收拾恐非刑迫勢驅所能辦到仰正安州查明情形妥速理處一面清查匿名揭帖之人認真究懲以全女學名譽而靖市面潮汐是爲至要切切稟發仍繳

兩等小學堂申報高等小學宣統二年下學期分數表並各學生成績文

批 詳閱各級試卷三四期生程度尙是五六七期生成績稍遜亟應認真教授以期進步查三期生現屆畢業各科功課如已授竣當即呈請考試免誤升學而省虛糜仰該堂體察情形遵照辦理可也表存原卷發還

天柱縣詳覆縣民胡祚先楊和雲各以霸姦民妻等情上控楊光明等一案書册由

批 據詳已悉此案既經集訊明晰姦情並無證據兩造自應遵依完結何以仍復堅執前供不服判斷是否受人唆使抑係有心纏訟仍仰該縣覆訊究結不必聽其

赴省上訴致令奔馳遠道牽累多人此亦息事甯民之一端在地方官加意而已此繳

普安縣稟縣城第一二初等小學畢業人少不能一律升學可否准其通融考選續辦高等二班由

批 據稟該縣高等小學堂將及畢業應辦二班因升學學生無多擬暫行停辦或通融考選升學等情查以上兩項辦法均屬權宜惟招考學生將來高等畢業祇准升學不得請獎若將高等停辦其原有經費撥作何用未據聲明無從核奪仰再體察情形從長計議續稟核辦繳

思南府沿河司彈壓巡緝委員王晉英詳報籌款興學暨成立日期表册原詞各情形由

批 詳及清册均悉該委員籌設兩等學堂二所一切辦法大致不差姑准立案所有高初兩等學堂科目及分年所授課程暨每星期鐘點核與新章均有出入仰即

督同職教各員查照新頒章程分別高初逐一更正。是爲至要。仍照發來表式分給各學堂。將一覽表各填四份。職教履歷表各填三份。學生履歷表及分數表各填一份。申報以憑分別詳存。此繳原稟清冊存。

麻哈州稟遵批訊明。下司學堂款項並無浮報之數。無從追還。請將實情開摺請查核由。

批 稟摺均悉。宋翽經營學款。雖無浮報。但就領鈐記筆墨紙張火炮各項開銷觀之。其浮支濫用百口難辯。惟既已斥退。姑從寬免究。總董熊繼飛辦學出力。本署司時有所聞。此次稟訐。宋翽亦因稽查款項節省糜費所致。所請懲儆之處。應毋庸議。繳原嗣及稟摺存。

貞豐州申送宣統二年上下學期教員職員一覽表由。

批 申及表冊均悉。查此項表冊應分上下兩期造報。並應遵照前札限期辦理。該

州於六月初一日奉札。何以延至十九日始行辦訖。及申送到司。已誤彙辦期限。明

上下兩期併爲一表亦屬不合又原表冊未經封用油紙以致雨淋半變紅色種種失錯碍難詳咨仰即知照仍將本年應造之表冊依限照章填報毋再延玩致干未便摘由批發原表發還

規制

清華學堂章程 並招考學生簡章

第一章 總則

第一節 清華學堂係外務學部奏設以培植全材增進國力爲宗旨

第二節 本學堂以進德修業自強不息爲教育之方針

第三節 本學堂一切章程規則均本前項設立宗旨及教育方針釐定凡本學堂職員學生均須體會遵守

第二章 學程

第一節 本學堂參合中國及美國中學以上辦法設高等中等兩科

第二節 高等科注重專門教育以美國大學及專門學堂爲標準其學程以四學  
年計中等科爲高等科之豫備其學程亦以四學年計

第三節 本學堂學科大別爲十類一哲學教育類二本國文學類三世界文學類



四美術音樂類五史學政治類六數學天文類七物理化學類八動植生理類九  
 地文地質類十體育手工類

第四節 每類學科功課分通修專修二種通修種期博該專修種期精深

第五節 凡通修功課之需豫備者以教授五十次為單位其不需豫備者以教授

百次為單位此單位取名學業成分略曰學分（例如算術功課每週三次延一

學年者為二學分體操功課每週三次延半學年者為半學分）

第六節 兩科八年通修功課以學分計列表如左

學年	學分	學科	類											
			第一類	第二類	第三類	第四類	第五類	第六類	第七類	第八類	第九類	第十類		
第一	一	•	四	四	一	二	四	•	二	•	•	•	•	•
第二	二	•	四	四	一	二	二	•	四	•	•	•	•	•
第三	三	•	二	四	一	二	四	•	二	•	•	•	•	•
第四	四	•	二	四	一	二	四	•	二	•	•	•	•	•

第	五	•	二	四	•	二	四	四	•	•	一
第	六	•	二	四	•	二	二	四	二	•	一
第	七	二	•	二	•	二	二	•	•	二	一
第	八	二	•	•	•	二	•	•	•	二	一

第七節 專修功課視學生志望能力程度二者漸次開設其專章另詳

第三章 入學

第一節 本學堂學生暫設額五百名

第二節 學生入學年齡高等科在十六以上二十以下中等科在十二以上十五以下

第三節 學生入學程格視兩科入學年齡及修業學程為準

第四節 遊美學務處每年招考學生一次錄取後送交本學堂分班入學

第五節 凡經考取之新生須於入學前各具志願書及保證書志願書由本人填

寫保證書由保證人填寫

第六節 凡取入本學堂之新生均先試業一學期甄別去留

#### 第四章 修業畢業

第一節 學生修業高等科每學期以入學分有半爲限（內第十類功課半學分）

中等科每學期以九學分爲限（內第四第十類功課各半學分）

第二節 學生每學期修業詳細課程均歸教務長核定

第三節 學生每學期各項功課修業成績由教員於學期終彙合平時小考大考

#### 三種成績評定

第四節 功課成績每分以百點計

第五節 學生於某項功課成績點數不及十分之六者對於此項功課爲不及格  
不及十分之四者爲大不及格

第六節 學生對於某項功課不及格者得於假期內自行補習於後學期開課前

補考一次惟須考及十分之七方爲及格此項功課成績即以原有成績作一份  
補考點數作二份配合計算其原有成績則置不論

第七節 學生對於某項功課大不及格者或不及格而不照章補考者或補考仍  
不及格者須於一年內重行上課學習

第八節 學生一學期中功課不滿五學分及格而其各項成績點數平均又不及  
十分之六者退學

第九節 學生修業滿十八學分者 或有與十八學分相當之程度者 得列名第二年級滿三十

六學分者列名第三年級滿五十四學分者列名第四年級滿七十二學分者爲  
中等科畢業得列名第五年級滿八十九學分者列名第六年級滿一百零六學  
分者列名第七年級滿一百二十三學分者列名第八年級滿一百四十學分在  
堂至少一學年者爲高等科畢業

第十節 學生畢業者本學堂給與畢業證書

第十一節 高等科畢業學生更志求高深之學者本學堂分設專科以應之

## 第五章 遊學

第一節 本學堂每年擇高等科畢業學生中學行優美在堂最後一年功課成績平均及十分之八者（凡在堂不滿二年之畢業學生則論其入學後功課成績）按照經費數目酌定名額咨請遊美學務處送往美國遊學

第二節 本學堂開設之初尙無前項合格學生暫行變通辦理擇肄業高等科較高年級之學生學行優美功課成績平均及十分之八者按照經費數目酌定名額咨送遊學

## 第六章 管理通則

第一節 學生公舉班長室長砥礪自治履行堂章

第二節 學生在堂晨興夜寢上課自修會食盥浴均須按照堂中規定時刻及位

第三節 例假日期概遵學部定章

第四節 學生請假須得齋務處之許可

第五節 禁止一切破壞秩序妨害公益及他不道德不名譽之行動

第六節 學生不遵學堂章程規則者分別情節輕重或戒飭或停學或記過開除

第七章 職員

第一節 本學堂監督以遊美學務處會辦兼任總理全堂一切事宜

第二節 本學堂設教務長一員教員若干員庶務長一員文案員一員英文文案員一員會計員一員齋務長一員管理員若干員醫員一員

第三節 教務長主任教授事宜凡延訂教員釐定功課考核成績皆商承監督辦理

第四節 教員分別學科擔任各本科教授事宜商承教務長辦理

第五節 庶務長主任庶務會計事宜以及凡教務齋務以外之事皆商承監督辦

理

第六節 文案員經理一切文牘起草收發編掌之事

第七節 會計員商承庶務長經理本堂銀錢出入及豫算決算一切事宜

第八節 齋務長主任管理事宜凡延訂管理員整飭考核一切管理之事皆商承

監督辦理

第九節 管理員分科查驗學生品行擔任管理事宜商承齋務長辦理

第十節 醫員專司診病製藥並商承庶務長齋務長籌備堂中衛生事宜

第十一節 本堂教務庶務齋務各有主任惟遇關係全體之事仍由三長會同商訂分別辦理以期蠲貫而免紛異

第十二節 除上開各職員外設教務庶務齋務各員佐理一切並按照所掌酌設書記司事

附則

第一節 本學堂一切詳細規則另行訂定

第二節 本學堂章程有應變更之處得隨時修正咨送遊美學務處呈請

外務部

備案

遊美學務處招考清華學堂學生簡章

一考取名額以一百名爲限

一報名處所在北京西城鐵匠胡同學部考棚

一報名日期自六月二十八日起至閏六月初五日截止

一投考各生年齡以十五歲以上十八歲以下爲限

一各生報名時須攜帶四寸相片二張旗籍須有佐領圖片民籍須有同鄉官印結

方准填冊

一投考各生須自量學力與下開考試學科要目之程度相合方可與考

考試學科要目



(一)國文

(二)英文 文學 作文

(三)德文或法文 作文 翻譯英文

(四)地理 以本國為主兼及外國

(五)本國歷史

(六)外國歷史 上古中古近世通史

(七)代數 初等 高等

(八)幾何 平面 立體

(九)三角

(十)物理

(十一)化學 以無機為主兼及有機

(十二)動植生理

(十三) 地文地質

上列學科除國文地理本國歷史外餘均用英文考試其德文或法文未曾習過而其他學科均能合格者亦准與考

一考取各生須驗明體格強壯方准入堂

一考取各生入堂後視其年齡學力編入相當班次

一考取各生入堂後不收學膳房金惟書籍操衣等費均須自備

一考取各生入堂後試學三月再行甄別去留

凡欲取閱清華學堂章程者可書明住址函告海澱清華園遊美學務處並寄郵票十分即可照寄



圖表

遵義府屬初級師範學堂學生畢業姓名分數表

最優等二名

姓名

總平均分數

蘇尙賓

八〇.八七

李三棻

八〇.〇四

優等十名

王宅中

七八.六四

譚澤鈞

七八.一

鄒思炯

七四.二四

李枝棻

七四.一六

梁昌昭

七四.一四

王章

七三·二二

楊承麻

七二·二六

賂致鑿

七二·〇四

馬興義

七·七七

李漢孝

七〇·〇五八

穆先烈

七〇·〇四

中等三十四名

八〇·〇四

黃宗焱

六九·八六

馮紹異

六九·五六

李登傑

六九·四二

曹世春

六九·一四

趙從棠

六八·二二

婁衡澤

六七·七六

霍樹勳

六七·七

羅錦文

六七·五四

程繼元

六七·一九

劉允德

六六·八

陳世舉

六六·七七

陳學普

六六·五六

陳治定

六六·三三

蔣德修

六五·九七

楊文燦

六五·六六

周本科

六五·六四

旺聲宣

六五·五一

皇朝通志

江心源

六四·五三

婁宗海

六四·四七

冉崇周

六四·一八

李樹芬

六四·一

余鵬翔

六四·九

劉德鈞

六四·九七

車載書

六三·七二

莫炯

六三

胡斌

六二·六三

彭承鏗

六二·五五

楊光權

六一·五

韓承晉

六一·四四

陳 鑾

六一·二八

嚴 宇仁

六一·二五

祁承堯

六一·〇二

馮正心

六〇·六一

蕭文欽

六〇·四六

下等六名

王光輝

五八·八一

姚淮山

五八·二三

梁昌言

五八·一五

李樹森

五八·〇五

戴啓象

五六·九七

楊永康

五六·七六



修文縣私立廣智高等小學堂學生畢業姓名分數表

最優等一名

姓名

總平均分數

楊德延

八〇.三

優等一名

姜文齋

七一.四

中等七名

顏紹炯

六九.九

姜文炯

六九.五

葉雲龍

六八.九

陳世賢

六六.一

王士奇

六二.六

徐文成

六一四

羅朝卿

六〇二

下等四名

許其源

五八八

雷成名

五六六

郭承先

五五六

羅紹鏞

五五二

最下等五名

陳守恕

四四四

高文明

四三一

羅明昌

三九七

歸朝忠

三五

廖朝揚

二七一

報告

查視思南府學務情形報告

省視學李慶春

一官立高等小學堂 就城東舊日書院改修堂室尙備器械未齊堂長兼教員陳紹榮附生省傳習所畢業教材甚富管理亦嚴觀其講經字句大旨均能剖析使聽者無不了解教員張鎮東廩生品端學裕觀其演算講說詳明精神亦達全堂安均省體操專修科畢業觀其教體操能以國民思想相啓發故生徒多活潑氣象姿勢亦屬端整甲班生六名乙班生三名丙班生一十三名丁班生三十二名程度參差不得不分班教授但四班生以三人教之實難完善面請趙府尊添一員以相助苦於經費無出未承認可該員等薪資之薄如陳紹榮月領十千文張鎮東安均各月領六千文證以半義務而不足尤皆勤懇任事良不易得歲入款二百一十兩

一官立第一初等小學堂 就治城下街安化縣廢署改修講室建置尙合教員林

植柵附生省傳習所畢業丁少華省簡易科畢業教管均尚合法學生四十九名  
隨抽所習各科問之多能回答校風亦靜穆可愛歲入款二百四十四兩

一官立第二初等小學堂 就治城永豐街舊考棚改修講室光綫甚好操場亦方  
整寬平教員盛時附生省傳習所畢業劉際昌廩生任事均屬勤慎甲班生二十  
六名乙班生三十四名當堂考問甲班優於乙班然曠課尙少歲入款二百四十  
兩

一官立第三初等小學堂 借設中街江西會館左廂教員徐仕舉貢生郡研究所  
畢業甲班生六名乙班生一十九名歲入款無定額

一官立第四初等小學堂 借設新考棚頭門內右廂教員金德均貢生甲班生八  
名乙班生十九名歲入款無定額

該府署頭門內漢相祠設有識字學塾一堂學生三十餘名趙府尊不時到堂勸  
獎無如各切謀生恒不免此來彼去之習境遇所迫亦無如何也

查視平越直隸州學務情形報告

省視學李慶春

一 官立兩等小學堂 就城東考棚改修講堂方向合光綫好其餘場室皆備堂長兼正教員趙以德教員張泰交張學修均思南府學附生省簡易科畢業施以忠遵義府屬監生省專修科畢業萬開濬州附生省公立中學堂修業劉儒矩州廩生高小乙班生一十二名丙班生四十四名月之十九日試以歷史國文算術格致地理各題丙班生程度尙優下學期再將各科練熟不難畢業丙班生程度不一囑各員分班教授乃能受益初等乙班生二十二名丙班生二十六名當堂考問有半數能答歲入款一千二百一十五兩山勸學所開支

一 公立初等小學堂 設城西二聖宮左廂教員邱東山州增生李騰章一期高小畢業生學生二十三名歲入款除收清醮會銀四兩外其餘一百四十六兩山勸學所補助應改爲官立以副名實

一 官立兩等小學堂 設牛場南街第一山堂室尙屬齊整堂長兼教員謝登第州

附生省農林學堂畢業教員吳深源思南府學附生省簡易科畢業王景華李賢書均甕安縣屬貢生高小生四十四名初等甲班生三十三名乙班生二十八名歲入款五百一十二兩

一官立初等小學堂 設馬場坪行臺左廂教員劉啓龍州廩生楊承膏州附生州傳習所畢業甲班生一十七名乙班生四名歲入款一百兩

一官立初等小學堂 設鷄場文昌宮內堂長王應培州附生教員王烈斌一期高小畢業生楊炳章州附生甲班生一十五名乙班生一十三名歲入款二百零五兩

一官立初等小學堂 設黃絲行臺右 教員葉本林州廩生劉文冕一期高小畢業生甲班生一十一名乙班生一十名當堂試驗甲班中有李忠定許朝光熊芳矩李忠沅四人已具高小資格因家寒不能升學可惜

一官立初等小學堂 設龍昌場高堡廟內堂長胡肇邦州附生教員熊鉅州私塾

改良畢業李德昌州附生學生二十三名歲入款一百兩

一官立初等小學堂 設楊家林五顯廟內教員熊耀芳一期高小畢業生徐增州附生學生二十一名歲入款八十兩

一官立初等小學堂 設中坪禹王宮內教員馮蜚聲省優級選科畢業陽照陽文童甲班生一十五名乙班生一十六名歲入款一百一十二兩

一公立初等小學堂 與官立同一校地堂長蕭明昌州附生教員吳元鼎省簡易科畢業學生一十九名歲入款四十四兩

一官立女子初等小學堂 就考棚箭道改修管理員張秉坤女士教員拓澤鏞廩生學生四十一名有五名程度尙好不應升學惜未開辦尙小亦憾事也歲入款一百三十八兩由勸學所開支

一公立女子初等小學堂 設馬場坪吉祥寺內教員周德馨州附生學生一十九名以該場能辦女學而省改裝放足亦足徵風氣之漸開也



查視石阡府學務情形報告

省視學李慶春

學務公所印行

一官立兩等小學堂

設治城西門內安家壩講堂二間係新建築方向合光氣亦

足其餘堂屋俱備高小堂長兼正教員李明誠郡廩生乙酉一等職官教員周樸  
己酉拔貢梁時憲鎮遠府學附生省二期簡易科畢業學生三十名當堂試驗程  
度參差商請加夜課補助以求劃一初小教員徐玉瑚鎮遠府學附生省二期簡  
易科畢業羅占魁專任兩等體操學生三十五名歲入款四百四十八兩

一民立兩等小學堂

設治城外中河街李宅教員陳國鑿郡附生省二期簡易科

畢業高小生一十名初小生一十三名該堂地址狹隘生徒又少商請歸併官立  
以便教授歲入學費七十兩

一私立兩等小學堂

設治城南門內李宅教員蔡家瑞郡增生省二期簡易科畢

業龍心戀郡附生未入學堂高小生九名初小生三十名當堂考問多能回答調  
閱成績格式不合囑即照章改良以便彙送歲入學費一百二十兩

一官立初等小學堂 設河西街仁壽宮內教員羅耀勳郡廩生省三期簡易科畢業生學生三十名因連日大雨到堂不齊歲入款四十兩

一官立初等小學堂 設上河街天后宮內教員廖金城鎮遠府學附生郡傳習所畢業學生二十七名年齡不齊囑分爲兩班教授庶各能受益歲入款四十兩

一官立初等小學堂 設下河街壽佛寺內教員徐玉鼎郡附生省三期簡易科畢業學生三十名隨抽各課本問之多能回答歲入款四十兩

一官立初等小學堂 設平地場萬壽宮內教員孫紹虞鎮遠府學附生郡傳習所畢業學生三十五名歲入款四十兩

一官立初等小學堂 設白沙場禹王宮內教員梁廷煥省農林學堂畢業學生二十名歲入款六十兩

一官立初等小學堂 設龍塘萬壽宮內教員蕭順榮鎮遠府學附生郡傳習所畢業甲班生一十四名乙班生一十三名歲入款九十四兩

一官立初等小學堂 設茶溪呂宅教員方雲程郡廩生郡傳習所畢業學生一十四名歲入款四十兩

一官立初等小學堂 設本庄場萬壽宮內教員龔忠鎮遠縣學廩生郡傳習所畢業甲班生一十二名乙班生二十名歲入款四十四兩

一官立初等小學堂 設戴家壩戴宅教員蔡家珍增生郡傳習所畢業甲班生八名乙班生一十名歲入款八十兩係戴文元所捐

一官立初等小學堂 設樂橋王氏宗祠內教員費培元鎮遠府學增生郡傳習所畢業甲班生一十六名乙班生八名歲入款四十兩

一官立初等小學堂 設漆樹坪聶宅教員王作舟附生郡傳習所畢業學生一十五名歲入款四十兩

一官立初等小學堂 設永興場萬壽宮內教員徐正常廩生郡傳習所畢業張致和貴陽府學附生涓潭縣研究所畢業甲班生一十名乙班生一十三名歲入款

一百五十兩

一官立初等小學堂 設蜂岩仙宮廟內教員夏世璵郡廩生省二期傳習所畢業  
甲乙班生各八名歲入款八十兩

一官立初等小學堂 設大堰塘袁氏宗祠教員熊世忠鎮遠府學附生郡傳習所  
畢業甲班生八名乙班生一十二名歲入款六十八兩

一公立兩等女子小學堂 設治城學署教員余德卿女士揚培御鎮遠府學附生  
高小甲班生一十四名乙班生一十五名初小甲班生一十四名乙班生二十三  
名歲入款九十二兩



論說

衛生新法撮要

新會伍庭芳秩庸撰

人生最要之事莫如衛生今人不知講求遂致夭亡者衆良可嘆也考天地間生物之壽可五倍於長成之年多者或至八倍即以樹木而論一年長成之樹能活至八年驟馬由生之日算起至四年而長成五倍之則能活至二十年或八倍之則能活至三十二年人之生也亦同此理人身自離母胎至二十五歲始能長足依動植物生活之年齡比例之人類應活至一百二十五歲若按八倍計算則應活至二百歲乃今人罕有此壽者其故何在蓋以不講衛生不保身體一飲一食但求適口故耳考中外之人皆喜食肉飲酒以爲酒肉足以補身殊不知酒肉祇能提神提神之後即化爲毒物近世衛生學家謂地上所生之植物受日光長成者食之最能補身一丁福保食物衛生學序曰考人類之齒牙及體質當斷穀爲食動物今以穀食及肉食比較之肉食者血液濁易罹熱病穀食者血液清富抵抗力體魄雄厚肉食者神

經遲鈍穀食者腦力敏捷肉食者嗜慾濃穀食者嗜慾淡肉食者持久力缺乏穀食者持久力富肉食者發達早而衰老亦早穀食者反是孕婦肉食則兒大而難產且孱弱而發達緩穀食者則亦反是肉食益久者則殘忍之心益烈穀食者慈祥愷惻茂對萬物動有不忍人之心槎觸於懷此食物比較之大畧也）茲將補身之物分類列後

一 穀類如米大麥小麥玉米等

二 殼食類如杏仁核桃栗子椰子榛子花生胡桃等

三 鮮菜如紅蘿蔔白菜青菜椰菜菠菜生菜芹菜白蘿蔔山藥洋薯紅芋白薯並

各樣蔬菜

四 鮮果類如梨葡萄桃杏梅無花果棗瓜柑橙橘香蕉平果等

五 牛奶雞蛋須要新鮮者

應戒之食物列後

一 動植類如猪牛羊鷄鵝鴨 蟹魚蝦及各種肉食（福保按飛空水陸諸衆生等以公理言之本不應食何以故夫殺戮至痛也以衆生之至痛供吾人之美味不恕一生命至重也以無涯之生命養一己之口腹不恕二人類愛家族而衆生亦各愛家族人有婚嫁喜慶事而多宰衆生者是我因嫁娶子女而殺戮衆生之夫婦我因產生子女而殺戮衆生之子女也不恕三家有死喪事而殺戮衆生者是但知我之悲親族之死而不知諸衆生悲其親族之死於非命甚於吾也不恕四）蟹尤傷人患咯血者食之必死

二 辛辣類如芥末辣椒花椒及香料等

三 酒茶類如酒茶咖啡咕啤等

四 煙類如紙煙水煙旱煙雪茄煙鴉片煙等

五 鹽糖類凡鹽與糖不可多食

一切食物不可過多每餐宜飯七成（福保按吾人平日之一飲一食恒過於其身



體之需日日將此過多之食物消化之虛糜胃腸之力無限不但此也食物雖已消化而身體之所需用者不必如許之多則將所餘之物鬱滯腸中爲普通大腸菌之培養基遂製出一種毒質西名曰托克新山腸黏膜吸收而入於血液散佈於周身則周身受其毒名曰自毒自毒之劇烈素食較肉食爲優因肉食培養細菌甚速又易於腐敗之故試觀夏日之肉羹其腐敗發臭之速力過於蔬菜幾十倍吾人宜節食與素食者以此一切須慢食碎嚼方易消化不可匆忙隨便吞下如吃飯兩碗不嚼爛而即吞下必難消化不如吃一碗而嚼爛吞下易消化變血以養身也人於節慎飲食之外尙有應行之事若能照辦身體自能強壯講衛生者不可不留意焉

一 人生全靠天氣得天氣則生不得則死是以所吸之氣必須清潔若吸濁氣則於身體有損百病叢生人若居小室之內緊閉窗戶使清氣不能流入此人雖不即死亦必生病是以所居之處或書房或公事房均須開窗通氣若室內人衆則濁氣益多清氣愈少務須避出不可久坐睡房雖在夜間亦須留一入空

氣之寶切不可將窗戶全行關閉

二 人之筋骨必使常時活動方能有益若久坐不動身體必致受損是以人人均須體操然我輩無暇習練體操者每日須在有天氣清潔之處散步一二點鐘之久使週身血脈流通方於身體有益也

三 人人切須時常浴沐擦身使身上毛孔通氣如日久不浴則毛孔爲塵垢閉塞不通此亦易生疾病之一端

衛生之法頭緒繁多非數言所能盡述以上數款無非取其大略而言之固猶有許多未及之處然果能實力遵行則防遏疾病益壽延年有何難哉

更有一言不宜忽略凡事無大小切不可過於憂慮即使事不遂心切不可鬱悶或見事敗壞亦切不可氣忿因氣忿則於身體最有損蓋人身之血本紅動氣時則色變爲黑所藉以爲養者反爲其所害可不慎哉

又呼吸清氣甚於飲食不食數日可不死不飲半日亦無傷惟不吸氣五分時

人不能活吾人但知重飲食而不講求吸氣豈不愚哉無怪形容枯槁身多疾病不享遐齡矣孟子謂養吾浩然之氣甚有見解惟以何法養之書未詳述後世無傳近細讀養氣專書頗得其法試而行之精神超爽確有奇效惟其法非數言所能盡其大旨不外行動坐臥必使留意吸氣以吸入之氣直透至腹則清氣入肺散布血管血氣乃能上下暢行果能如法行之每日所廢之時間雖不多庶可免疾病之相侵也

右係伍公任外部時所擬說帖編呈 慶邸及瞿子玖尙書等之原稿也今因會友紛紛函詢衛生之事用再刊布適會丁君見之附識數語以伸其義

學術

詳察兒童在家庭之生活狀態

日本相島龜三郎

余嘗著論曰「個人訓誡之必需」略謂（現在畫一的教育輒於他處察兒童之個性加以教授加以訓育而其結果於各個人曾無特別之效驗此爲舊時教育法所謂個人教育今已久廢不用原教育之主義本在造就個人此種理想凡教育家無不有之然現在之教育法轉足以害個人之特質故擁護兒童之個性各隨個性而加以訓練此方今至急之務也）夫修身教授尤當注意於平日之訓誡觀察兒童之個性以施教訓詳言之於所教道德之事項須知兒童現在之缺陷如何實行之機會如何範圍如何視兒童之個性及其境遇應行訓誡之方面指導之事項蓋人人殊異而不能出於畫一然又不當全離畫一教授而行個人教授惟畫一之結果則於不自振奮之人如何施教蓋無良策此個人訓誡之所以必須也譬諸戰事雖全體互相搏擊然不經各個人之肉薄終不能得最後之勝利故一方當察知敵

軍全體之弱點一方當察知敵軍個人之弱點教師亦然既觀察兒童之個性又觀察兒童之境遇尤當詳知家庭生活之狀態由此目的時而訪問兒童之家庭時而率之爲遠道之旅行種種方面不拘一格惟此等事實行爲難不得已觀察兒童所接觸之事物晤其父兄探知家庭之狀況或由調查兒童狀況之機關精密訪查以施個人之訓誡茲將現在實行個人訓誡之方法簡單述之

余今本以上之方針就力之所能及觀察兒童之個性實施個人之訓誡於此益覺兒童在家庭生活之狀況必當知之特詳

今學校所重視者教員雖甚煩忙必親至兒童之家庭訪問之是故學校與家庭調和聯絡之善策余擬益利賴之以擴展家庭訪問之實效凡家庭訪問之際苟不持一種表格則徒令訪問者被訪問者相爲猜疑既無所得反生弊端

家庭訪問之事關聯種種本爲困難以教師言校事已至繁曠以家庭言忙冗亦足相當又依職業之種類父兄終日不居於家外此尙有種種事件而於教師之訪問

轉厭煩瑣又或因此別起弊害欲防止此等弊害而實行家庭訪問則必備有表格  
豫定調查之事項一一從而訪問調查之其事項必須簡單以期易於着手

東京高等師範附屬小學校普通之家庭訪問尚未實行（惟於必需之時亦有某  
學級級任教師訪問某家庭者）此非故視為緩圖亦以覺實行之難也

今定時時調查兒童在家庭之狀況以代訪問其調查之要項如左

兒童狀況調查書（明治 年 月 日調查）

第 部 科 學年

原籍

寄居

明治 年 月 日生

（注意）初入初等科第一學年者但須調查有・記號之項

學

●學校與家庭之距離約幾何

每日令復習否

校

●往還時是否乘電車或人力車

每日復習約自何時至何時

●別有人送迎否

近頃赴校時刻約在何時

有無在道傍徘徊之狀

近頃歸家時刻約在何時

●與何等友人一同遊戲(男女年齡)

●有年齡大相懸殊之友人否

●夜間往來於友人之家否

●友人來游是否饗以食物果點之屬

●有無父母無父母自何時始

●有無祖父母兄弟姊妹其數幾何

●兄弟姊妹之關係如何

●有無恐怖蟲獸雷聲暗所等之習慣

學

自行復習之教科目為何

不喜之教科目為何

學校教科外又令閱讀何書

教科外之書籍玩物動植物之愛護手細工游藝之屬

有特愛者否

新聞雜誌等令閱覽否閱覽者其名稱事項為何

●有家庭教師否有者備列其資格年齡男女等

令至他家復習否然者其地處學業時間如何

學校休日作何事

●近來安寢何時晨起何時睡眠時間共幾何

●常有夢否

●夢中常有囈語否

業

練

之 往 返 友 人

睡

習

●教以練習禮貌誰爲之主

●練習禮貌之事最複雜者爲何

●近頃於練習禮貌有最注重之事否

●僮僕與以錢否每月約幾何

●使儲蓄否用何法儲蓄

●使佐助家事否是否令爲他種業務

●是否令爲掃除居室整理器具收藏襪履及理髮等

事

●有特別認許之好習慣否

●練習禮貌後於家業有關係者爲何

●使家庭之塾生或門客照管否有則查其年齡及修業

之種類等

塾

眠

●是否有軋牙之聲

●就寢後須行便否行便之次數

●寢時是否伏寢踢去所覆衾否

●以前曾患大病否有則查其年月病名等

●平日易患病否

●最嗜之食物爲何

●最厭之食物爲何

●食間食否其種類時刻如何

●平日衛生上有特行注意之事否

衛

生

雜

此外家庭注意之件無論何事願一



婢

•使婢女照管否有則查其年齡等

件

一詳記勿含意不宣

女

•兒童待門客婢女等之情形如何

右表於調查兒童生活之狀態略見一斑惟調查各項未必定以此表為限亦非謂無論何校必須用此初入學兒童此類之外尚有應調查之事項又參考實驗教育學等各書提倡之說則應調查之事項尚不可勝數種種事項詳細調查後於教育上利賴至大級任教師尤當於各個人分別注意以此為平日教訓之參考

舉例言之如授修身科中之「憐憫僕婢」一課應先參考調查時兒童對於僕婢之情形如何以為教授之發端及應用訓誡之資料

既於訓練上充分利用閱時稍久再調查兒童家庭之狀況而比較其前後則更可得興味深厚之結果

余茲述本學年第一學期之終調查各家庭之情形余於初等五六學年既依六學年用修身書之教材授以「家庭」「憐憫僕婢」「朋友」等課教授之際參考前表所

記調查之事項與以教訓又經若干日再調查其實行之如何以左之各項確詢其  
家庭

一現在通學在途乘電車否

二兒童對於家人之態度

(甲)對於祖父母等 (乙)對於兄弟 (丙)對於僕婢

三與友人大抵爲何語

四在家頗語校中事否

五其習慣如何

(甲)使用物品注意否 (乙)平日練習禮貌常令爲何事 (丙)起臥飲食

之時間是否一定 (丁)必令復習否 (戊)成善良之習慣用何法 (己)

最用力之事爲何 (庚)有特別認許之好習慣否

六復習外已所常爲之事爲何

七教科書外常閱覽之書籍爲何

各家庭一一莊重作答封以寄余余一一詳覽將其中數種製爲統計以視之其結果比諸前次調查善行者顯有增加既報告其家父兄等莫不忻喜而於習慣之項使用物品注意與否尤有趣味使用物品之疏忽本爲校中兒童之通弊其視此物心中並不以爲己物而保存之蓋兒童殆無自己所有之觀念故雖以此爲學校全體訓育之方針亦常苦其難余近於各學級皆諄諄訓誡之本學期尤暫促其實行及視調查頗有進步之象然比諸他事實行者之數尙不甚多此事深望家庭盡力督促其實行而校中亦盡力指導之也

以上之案尙非詳知兒童家庭生活之良案然比於家庭之訪問不備表格又不詳細調查兒童家庭之生活者相去蓋有間矣

余之以此調查爲必需而利用之者固將爲個人訓誡之資料個人訓誡者如僅注意於兒童學校之生活其範圍過狹即令並顧家庭生活社會生活之方面殆亦多

得之想像果以調查各家庭之事爲實在證據比諸依各兒童之特質指摘缺點加以訓誡者其效果之大小不可同日而語余用此爲箇人訓誡之資料多所利賴亦多得效益又就家庭之所答對兒童褒揚其美指摘其闕以督勵其實行兒童亦能安意承教力自矯正焉



中國當采之教育方針

凡爲一事必有其設施之方法而方法必據目的而後達目的不立其方法更無足論故經營一種事業必先定其目的教育大事業也我國興學殆十年於茲而收效不宏由於方法不備實由於方針不立甲曰辦學乙亦曰辦學叩之以辦學之道在官吏則曰有朝旨在社會則曰有義務而在朝在野之議論則又遠震於德相俾斯麥復國歸功小學教師之語近懾於日本戰勝之雄僉謂惟教育可以救亡國一若今日之謀教育專爲國勢阡危急謀圖存計者夫教育可以救亡固不易之理然苟易地言之國力强盛將教育遂可不興乎吾謂教育當獨立國家以教育爲主體教育非奉國家爲主體也

徵諸列國凡學說之足以自立有能發明新理新法者苟非軍事教育則各國報紙及雜誌相繼刊登貢於世界以此爲世界之公無所謂取與出納之吝故環球交通

智識可以互換就學異國及教授異國人不以爲破除國界蓋教育意義爲先導而指示方針之謂乃人與人相對而爲之事實人類所可共受而含有世界主義者也域於一隅之見斤斤然自封其故步者謂是固我之學我之教育殆所謂鷓鴣已翔乎寥廓之宇而羅者猶視乎藪澤者非耶

更返而求之我國孔子以東魯一布衣爲列國學者所宗仰子游子輩強半自異國來而孔子之教育實能範圍國家而不爲國家所範圍後人因有君師並舉之言政教分行之說宋明以降懾伏於專制政體下羣以教育爲國有物而束縛思想箝制言論乃披靡不可復振矣

認教育爲國有物最高之級養成官吏等而下之馴伏而已以下級而有向上之心則希冀寵榮挾策而有青紫之思揣摩徒作功名之想而俯仰意旨塗澤耳目一切虛誕日出而不可觀於獎勵考試事又觀於近日官私學校之異點其大略已可概

見矣

昔七國紛爭滕以小國介於齊楚孟子獨正告文公曰疆爲善善固有不依人而存立者矣顧崑山有言曰「有亡國有亡天下亡國與亡天下奚辨曰易姓改號謂之亡國仁義充塞而至於率獸食人人將相食謂之亡天下是故知保天下然後知保其國保其國者其君其臣肉食者謀之保天下者匹夫之賤與有責焉耳矣」匹夫之責所責幾何而要即人與人相對之理性不戕害不賊喪充其義可以塞於空閒磅礴彌綸而無缺我國而欲免淪沒也其亦善味斯旨也乎令之教育無世界觀念無人道觀念囿於域中甲稍勝乙甲則雄長矣乙稍勝丙乙又傑出矣而觀其措施多善趨一時之好尚委曲變化以阿其俗其中固漠然無所主也是魯仲連所謂有所取者商賈之人也市道而非師道也陵夷至此所謂有世界觀念人道觀念者固不可得即就衆所謂救亡國比附於國家主義者亦終不合極其所至或反以數千年自大之見尊已卑人不能出誠心與世界先進國相周旋又安得吸收他人文明以匡輔我所不逮哉吾謂我國教育方針當從世界著想人道著想即以救國論無



世界觀念與人道觀念其能保一國乎此言策之上者也上焉者如不能爲則就各國教育各主義採取其長策之中也試析言之

據教育學及教育史之所言有所謂道德主義者實利主義者武士主義者自然主義者審美主義者宗教主義者又有所謂個人主義社會主義者

道德主義其大旨謂人生最高之價值在能堅守道德之要素故施教育者務以發達道德之意志爲的此德人康德海爾巴特所主張康德言理性海爾巴特言五道念故以心理學定教育之方法而以倫理學定教育之方針道德二字我國人之所

素信然道德當據何主體此又倫理上待解決之問題認習慣爲道德非道德也實利主義大旨在具獨立之能而授實用之學如算數物理諸實科此英人洛克斯賓塞輩所主張英之富強導源於此似近我國功利家言而爲舊社會所唾棄近則凋翊日形進化競爭諸說日高其聲價矣武士主義大旨在尙武始於上世希臘斯巴達盛於歐洲中世期之武士教育而日本之武士道及勵行兵式之師範訓令皆足

致強我國以文弱見侮近且稍稍思振矣自然主義任人性爲自然之發達而以教育之影響爲消極的謂教育之作用惟當排除障害兒童之自然發育者而已此法人盧梭所主張以藥專制束縛則善矣審美主義大旨謂欲增進人爲之價值在於氣韻高尚嗜好優美以美術文學爲教育最重之材料此希臘柏拉圖所主張我國古代重禮樂而建築繪畫諸術初本不在人後近則國力衰弱國人之委瑣齷齪至於不可嚮邇夫非大可恥之事乎此義足以藥粗俗而爲實利家所不許故墨子之儉早創當非樂論矣宗教主義其旨以破除階級爲先而結想及於未來絕去肉慾此中世紀之寺院學校所由興日本之教育法令學校不許用教會禮式我國亦有學校外國教師不涉宗教之言而佛學會近且發生僧教育會又日以成立論者至欲以佛教爲我國國教然理想之談也

至於個人主義在歐洲十五六世紀之頃爲受團體之壓迫各有自覺自立之心反杭威權本爲政治上事而不得不涉及於學說至十八世紀其騰達之點極高是以

盧梭於辭書中欲刪除祖國語所著愛彌爾教育小說意在使兒童隔離社會專以教育爲個人與個人間之事業而個人與所隸屬之社會之關係則非所問十九世紀以後則又有反對此義者謂個人發達之目的非僅在完成個人當使個人與於社會之進步故德國教育者多主持社會主義合諸我國個人主義略近於楊社會主義略近於墨楊宋爲我有妻妾田園之樂不肯捐絲粟以利天下極其義人人各保其利權不容他人侵損而天下治矣墨主兼愛尙同頗爲時論所推許然使不擇是非專事以物濟人反以養成依賴習慣此亦無可諱飾者也

右各主義各有短長各有得失道德主義甚善而陷於煩碎之道德則失在拘實利主義足以療虛弱而競爭過甚則失在忍武士主義期在強而濫用之則失在暴自然主義甚純而任其所之則病在放審美主義可養成優美高尚而或流於弱宗教主義甚靜而失在幻個人主義其益在明權限而失在私社會主義利在同而失在混我國采中策必於此各主義采取其長矣顧有待於研究者將採用數種主義歟

抑採用唯一主義歟採用數種主義善成之則合同而化不善成之則或二或三此亦一是非彼亦一是非懼其無所適從也蓋各種主義各有特點而與他種主義半有相忤之點舍此則適彼無中立之理也採用唯一主義恐實力不充不能即行而偏於一方面而或於各種新學理有所異同非良法也解之曰欲研究數種及一種主義之問題當先求普通教育與特殊專門教育之別普通教育限於中小學以下其生徒未預必其爲農爲工爲商爲軍人也但先陶冶其心意發達其智能與身體俾他日入社會任就何種業務皆先有此美滿之基址此以道德主義爲最善採用其義可以道德人物爲模範人物而行之不致於危險其上者有益世界次亦不失爲好之人此普通教育當采之方針不事高遠平穩而無害者也至於道德之標準當以我國固有之美德參以各國倫理之新說忌泥古而非今忌是己而非人又忌忘己而徇人而要非抹殺他種主義也若夫特殊專門教育則各就其所教之特點定唯一之目的如軍事教育採用武士主義實業教育採用實利主義之類是他科

贵州省图书馆  
JD  
11